

**Kai Moo Kai Ei
Mononadu Riadua Uai Yiiyena**

**Contribución al Plan de Vida
de los Aborígenes Murui y Muina-murui**

Palabras de la Ciencia de los Caciques

Don Ángel Ortiz, Don Gregorio Gaika, Don Rafael Pérez y

Don Víctor Julio Vargas según Don Ángel Ortiz

San Rafael, agosto de 2001

Equipo de trabajo:

En San Rafael:

- Don Ángel Ortiz (Cacique)
- Don Victor Julio Vargas (Vice-gobernador)
- Abelardo Palomares (Gobernador)
- Wenceslao Muñoz (Secretario)
- Edmundo Pereira (Museu Nacional, Universidade Federal do Rio de Janeiro)

En Leticia:

- Don Ángel Ortiz
- Abelardo Palomares
- Edmundo Pereira

Agradecimientos:

Kaï Moo kaï Ei

Comunidad de San Rafael

Nelson Ortiz (Fundación Gaia, Leticia)

Dra. Marta Pabón (Oficina de Asuntos Indígenas)

Juan Alvaro Echeverri (IMANI, Universidad Nacional, sede Leticia)

Roberto Osorio (IMANI, Universidad Nacional, sede Leticia)

Trabajo elaborado entre los meses de julio a octubre del 2001.

Nimaira Kirigai

Jitirui kirigai iyano jae yotikai. Jaa bie nimaira kirigai riioi kaiyano yooitikai buinaijnui meino arí monaidoidino izoidimaki, güiyena kioiñenano, uzutie yua fea ua firaiduai, uzuniai, iemei kai yogano buinaijnuimona arí monaidoidino mare kominiza, kai Móo jafaikido kaade, ie muidomo binie yidimie uibikaiya jafaiki ite, komeki fakaja jafaiki ite, komomie Kuio Buinaimamo, jaae Moniyaamena komuiyanoñedeza, uibitate, fidiruitate jafaiki, kuiodona kiuadenia komeno yikaide, akie kuiododo naimie manekide jooide. Iemei jaae yogamiedi monari kuiona ite, ie jira Kuio Buinaima raiya. Akie izoi kai uzutie raite, feeiredinoza, ua daaje mamekiza. Arí monaidoidinomo ñaite uiñotadikino kuiodona eruaide kiuadenia, ie mamekido Kuio Buinaima komomie. Iemona jai abi uiñokaide, nana rakiño, fodo, ziyi (ofokuiño) ñaia (uriya) uaina kakade. Jai kakadeza, uiñokaide biki uruki fadoriyana, uradoiyana, jaiamaruiyana, uaitajeriyana, akie izoi nagakino jai kakadeza. Kai uaitatemo jiai jaka kai Moona uaitate, akie jira jai ñaite, baie izoi: “Kue biniena, daa kuemo naidaide raitikiño, amena, kuemo moziraifizite, daa kuemo guamado eninaite aiñuko uruki, juziña uruki”. Akie izoi baiba. Ie jira biruño jafaikitimie naimiena raite: “Móo”. Kai iziruiya uai. “Móo, ina uri rai, nia oomo nana kue iñegaza”. Jaka inoñeno ñaaññaide. Ie jira dane daaje izoi raite, ie baife iuuai dane raite: “Oona anafenoiteza”. Ie jira dane Kuio Buinaima raite: “Jaa feko anafenoitikue”. Dakaiñoamani jai akiemo raite: “Mai jaijai rainadaitioza, oomo kue iyeza, jaa iedo anafenoitioza”. Raiyano jai izaide yetarafue. Iena kakade binie juziñamui, kakajano raite: “Kaiena kai yinoye”. Ie jai kai Móo Kuio Buinaima raidemo ite. Iga yetarafuedi, reikiza, aameoza, juziña uruki kurainoga yiai oni dajaikaideza taino kurainote, iemona ie abimo baite, dinomo jai komomie Kuio Buinaima imuietaide. Imuietaiya fakai, Móo iga jafaiki kuiodona feebikaide. Jiaie binie fakaidino ie, zarokina (uiki) feeko feeianomo juzefomo jiride, iemona juzebukude. Dane taifofizite. Dane naino uiñoyena yoitikai. Akie muidona, uiñotikue raiñena, uaitajerinena, yogakinomo kakarefiya marena. Jae Kuio Buinaima kai Móo raiya fakai: “Móo, ina uri rai, nia nana oomo kue iñegaza”. Raiyauai inotenia uaiuaitejeri zefuiñedikai imuitaiñede, biena nimaira kirigai ite, ore kaimaki. Ana batino tainoza, abibeji fea iibe, akiena naikino ite, kominitariya uai, jiaie jaiagaiza (jagai), buudi kirigai jakazeko komofe jirifena kuinañede, komogai

komofena kuinaja, ie izoi buudi urue abiyena jakada jirida jirinede abiyena, bakabiteza moonala naie ibaja, uakizairo ooite, uruenite onino uua izoi, uaitajeritino daje izoide, reiki iyemo faia izoikaide, ie jira kai jaijaikaiya dinori mai konima kai dueruyi, kai iziruyi, nairaina kai inyeza. Akie izoide. Dane kai riar komuiyano, jibina diona diga, komuiyano yoitikai. Eiyi dinomona jimeyi zikode. Jini gi fakaimona nekana, nemona zikode. Onokai fakaimona gononokai komikai zikode. Emodokai fakaimona juzitofe zikode, anafebeji farekatofena, afebeji jamaitofena. Iemona nana ua akie izoi. Jaa dane diona, jibina komuiya yoitikai. Komeki iji fakaimona kai diona zikode. Urako fakaimona kai jibina zikode, nikaira fekayaido fakaimona zikode. Akie riarana kai Moo Kuio Buinaimamo iga jafaiki zikode. Ie jira diona kai komekina eruaide naie yiziyaji. Akie izoi binie yiyi jafaiki kaimo riioikaide. Dane naino yoitikai uinoyena. Akie izoi nano iga jafaiki dionana naidadate, jibinana, ie jooriai diga diona jibina ite, komnitariya jooriai, ie muidona uaitaŋega, fimaika, mare nairai yiyi uaina naiyena, ie jira yetarafuedo dataoikaiga. Fritiodenia naie jafaiki jai friya dibejimo oo eroneteza. Uinotikue raitiodenia jai uinotikue raiya dibejimo oo eronete. Yogikino yotiodenia jai yogikinona oomo naita. Jaima mamekido naitiodenia jai oomo jaima mamekido naita. Faidoritiodenia jai oomo faidoriyakinodo naita. Jifueridiona jai jifueriyakinona oomo naita. Jaimiena eoidonia jai eoiyakinona oomo naita. Jaima uaitatiodenia jai uaitajeryakinona naita. Jaima fatiodenia jai jaima kue fayi raiyauaido oomo naita. Jaima jigaidiodenia jai jaima jigaikana uitio. Komeki rikidodonia jai riire oomo ite. Jajenijododonia jai jajenijuauaina oomo naita. Jaima aimo jazitiodenia jai akizona oo uite. Jaima jiza yaguidiodenia jai akieze oona uite. Jaimana naidodiodenia jai akiedo oo uite. Ua nana akie izoi baiba jaide. Jaa kai Muina-Murui yoga fea uibitaitikai, naiyi jitaidiza jeenoyeza. Baie izoi yotimaki: “Kai Moo, biruŋu jafaikitimie jibina, Jadomaraimo iga. Ie naikino Jadomaraimo jikanoŋeno dani jétade. Akiemona jai rakuiya uai dibejidonia, cancer, komuide, kai uaido, ziera (zietotaiya). Marena iiakadimie, bie kai yogakinona jenoiteza eimniaimo, jibibirimo jikanoiteza, akie baifemo iziruiyakino inedeza, ua akie izoi itikai. Akie kai Muina-murui dibaji nano jonetikai, mei jaka nano dajeza, Moomo duide nai. Bakidino yoitikai o bakana itino yoitikai. Jae Kuio Buinaima imuietaiya meinomo dane daa konirue, eimie yofuete, naie konirue mamekidi “Meiyi Buinaima”, ua mare konirue yofuete. Kuio Buinaima meino finoyena, binie jai feinoyena, ie jira naie ua fakai ikinona nana yofuega. Fimaitioza raite

ziñoza, doferainideza ua, binie igomaiza buiekotaitateza, akie jira nano baie kai eirue jitotiai biya kazyafona mamiaide. Bie jai kai uinoyena ari kome rihomo bairezitino. Meiyi Buinaima jai yofuete, ua nana naie fnoye fakai iuuiyaina (ifonako), akieze jai naie fakai ikino riide. Yofuetimie raite: “Nia ina nana yogakino oomo foo jainedeza, jaiyena fmainioza, baka rihitioza, raiakade, oo aai yoajimo jirihitioza, dijimo korobaiza, oo taifofikaiza, oo duerefiza abi uiniheniza, jai nia mare uai oomo nainiteza, ua uai kaitajana oomo iteza”. Akieze yofuega, ie oni inede raaza, naimie aai yoanomo fdate, iemona jai akie diruemo korobaite. Akiemona jai ua faifide komeki yoiyakino, iemo naie eimie jonegarui jai ride, ie jira raite: “Mai faka”. Fea ua uaido “Jm” raite, jii raiakade, diga ikaino akieze raite, jaka daje izoi fairiote, ie jira raite: “Naidakai irai kue iya fakai oo uai raize kue duinoyeza”, raiya jira naidakaide, jai uainide, fea garada jaidinoga fekayaidamo baiya daa “kiziri” raiya, iemona baie ua koiyino birui Mei feia “kiziri, kiziri” rairikaide. Dane akie koni feadimaki. Daje fakai jiaie konirue uaima jeare dama juzezerodeza uaitagaza dama bikoka, fueoiraita nogo anamo, ie mei ti raitinomo iteza ieta nagakino fueote. Jai Meiyi Buinaima buiyekotaide, bue neye raiyanona jai tuiñoka. Tuiñoka rainadata jai nain, nairai jebuitaja uai (uaido fedojeide) kai Moo yua izoi. Akiemona dane jai ari nairai jebuide. Akidinomo jae kai yua izoi jibina zikodeza, dina, iemona nana juzibiai, naga riaro kaimo itirue iemona naga riaro kai yidino. Akie izoi izoidimakiza mei jai guie iteza yikie diga izoidimaki mei naie riadua inenaza, ieze ua jaijakaizoidimaki, nagamie konima iziruitimakiza nairai buiekotaiyana kioziteza jai koninina iziruzite, jibina jai beia bainaiziteza, ie nia mei kai Moo ana izainideza, fea mei komekido jenozte, nia biruñu yie joodaideza, ua akie izoi nagarui komeki fakaidimaki. Ie jaa iraikaino jai damie baieze raite : « Kai baifemo eimie ite, ie muidona naga raa yiyakino kaimo inede, kaimo itedena naga raa kai raiyana inote ». Dii monadenia raite : « Bie iye ana gaa raitikaidenia gaabikaide, akie izoi yinidikaiza jaka kai baifemo ite eimie, imie yoye izoi jaijaitikai ». Iena kakajano kai Moo iobide, « ua nai » raite, « Kue uruai dueredeza, jitaideza ».

Akiemona jai kai Moo jitona abi mamenote, kaitade, dobañote, jai ana bite, Buinaimana, koniruezana. Kai uzutie yua, eimiena bitena uai eo uzirede, eo riirede, ie jira koniruezana bite, raite. Ie fakai nia biko joreño ana fnuakino nia raize uinoñega, akie fakai fea jifokotiai, fea bizaini raiya (doona, dina). Akie izoi arife Muruimo riide, dukide rafue. Iemo jai riide nabuida baifedo, birui jai uinogaza rakuiya juaidenia *9 de la noche*. Raite

akie izoi: « Kai maki », jakinaizideza fairioñede, dno jamai yikaizide. Ie jira dane raite: “Akinaiñeitiomoiza, dajedikaiza, ni omoi duga iena mai kue ine kue duyeza, omoi mega iena kue ine kue meyeza”. Ie jai dute jibie, mete yerana, iemei jai ñaite: “Naiyi bikini omoi yooia, fea ua jino bi jaziki dof kaimo biya raiza, fea jino biziki janaba foo biya raiza, taife foo biya omoi raiza, irai kue uiekomo erodaitiomoiza, ie jira orekaku biyaza, dajedikaiza (daamedikaiza), ua kai Moo aa iteza, imie orekakuza, omoi raiya uaina iobiyano, kai ua dan yiniedikaiza, kai dan yidikaia, bie jinuina ua raitikaia, ana gaabikai raiya monagaabikaide, kai baifemo jaka ite eimie, ie muidona kai uaina inoñede. Kai baife eimie ite jaka, ie muidona bie izoide, imie yoykinodo iitikaiza”. Ie jira dane abido uibizite, raitimaki: “Dane jae kai iyakinodo, otikaidenia, dane daje izoi yikaidikai, dane kai zirue ibabidikaiza”. Akiuaina kakajano iobiyano, “Kue uruai ua iko jitaide, izaitioza, naidi bigina, naidi zidana, naidi guamadona, naidi jooriaia, zabiñede zidana, zabiñede bigina, eninañede guamadona, inñede jifueñede jooriaia”. Juziñamui raiya uai yoitikai uinoyena. Ua uinotino uzutiai yua, jae Kuio Buinaima mameki jiai juziñamui, iemona nana binimo itimo, juzibi urukiza, ie jira jinobimaki jiai juziñamuidikai raite, jai kai Moo akie ana ie komuitaga urukimo ie jtaka, akie jira kai juzibimo urafuena ite, fea ua akie izoi yoitikai jarikina, raire. Kuio Buinaima imuietaiya ie fakai, ie dakaiño, fea ua, uamie Buinaima fea ua raite: “Akie mameki iko itemo kuemo jitañega, kue juziñamuiye”. Fea ua nibaiñeye akieze uakaide, akie mona fea ua juziñamui raitikai, ua nai juziñamui binimo itimo mameki juziñamuina, ie muidona ari kikuedogano emraia akie izoi yote, ie jira ua ari kai komotofemo ua maijianomo juziñamui yinoñega, binie imaki erokaiyaza, kai yote raiteza. Fea akie izoi yotikaiza, jitaizida eimimo jikanoiteza, jibie duanomo, nia mei kakaitimakiza, iemona nana. Dane kai yoga dofo yoitikaiza. Uai, komofue rafue, yote. Akie konirue atika iemona komofue, ie jira raite: “Jae nano Kai Moo yogakino raite: “oo uizi fitaja ibana fijitioza ie abina uinoyena, bie izo iko iziredemo jiaima uizi fitadikue ie raiyeza, onoyi taioa daje izoi, izido betaja daje izoi, ebena uaikaiya, faidua, urafue nana daje izoiraita, akie oni uaibinedikueza, akie mei kai Moo jae nano maijainoza, ie muidona oni uaibinedikueza, naie fnuaibidikueza, jae akieze yogaza, ie jira erokai kai yegonoga dia, kai faitaka jibina, kai zedaka, raitika, rao ferioia kai aiñoka, ua akie izoi nana kai rigarue, riñegarue jiai daje izoi, daamie maijaza, kai jitai raita naga raa, erokai jibiroki, dioroki, kai zedaka, jai monaia dane fekagai kai kugaika, ua naie ifogina mamiaide kai

tijika, diona daje izoi, ie ia faidoriñede, “Ua oo iñeiye izoi kue ifogí tikonotio”, raiñedeza. Benomo jai jibina riadoga, diona jiaí daje izoi, iemona jai baieze yinoga, reiki, komuiyaiki, jebuiyaiki, ie duiya imuizaí, akiemona naimekiiki, farekaiki, jaibikiiki, dirimaiki, nozekoiki, kominiki (jebuiyaiki), nimairaiki, mooraiki, monifue jafaiki, ua akie izoi baiba. Akie izoi kaimo ua jai ari ñaite. Dane kai Moo Buinaima ñaiakino yoitikaiza, Moo Buinaima dane raite: “Ie jiirokidikaiza, ie diorokidikaiza, nemorokidikaiza, nekarokidikaiza, naidi diona iteza ua, naidi jibina, naidi nekana, naidi nemona, ie anamo kaidi jiforitikaiza, akieze yinoitomoiza, biniemo eo urafue iteza”. Akieze raiyano dane raite: “Biena iteza naidi zida, naidi bigi, naidi guamado, naidi joriai”. Naidi zida raiya uurada, bigi raiya, (daina) iife, guamado raiya, (daina) komeki, kai kua yerado, joriai raiya, (daina) jafaiki, (jagiyi). Dane Moo Buinaima raite: “Bie kominitariya uaina, kai Moo mameki feitañeitomoiza, aabene itimie”. Ie ana baitadua kai kua Moo. Dane raite: “Da aa bi kai Moo uzumanaza, iemona ana bimie ie kai moo, moo kai uzumanaza, binie moo ama oo izoza, oo binie moo miriñodi oo hza, oo eei dane jeikiga himania oo aamaza, riñonia oo miriñoza, oo izo anamo komuide jiaí daje izoi, aabene ite jiaí kai eeiza, ie feitañeitomoiza, ana biniemo oo jeeikite daje izoi jiaí oo eeiza, oo eei hio oo biyamaza ie anamo komuide himania oo amaza, riñonia oo miriñoza, baiba oo monaidoia riño oo ooia, ie moo oo jifai, oo ogañaiño ei oo jifaiñoza, oo ogañaiño moo oo momona ie iyaraima, riño dibeji ie iyaraiño, oo aamamona jiaí ie iyaraizai nana, ie muidona aama oga riño ebuiño oirainiga jai baie o iyaraiñoza, naiyi rafue oo yooia, yonideza, ua akie izoi nana baiba. Jiaima naido jikanofeno makañeiyeza, oo jitaiya raa oo oiakania jikanota jaiyaza, jai jikanotikue raiyano ebena jetañega ua naga raa uizi ryanodo, akie nama naizo ieza, uizi riñenanomo ogaza jitaiya raa, daa jikanoga raa, ie baifemo jetaia jai baie uaitajeriyana mamiaide. Jiaima nai motomo joide raa ebena jetañegaza. Jiaimie roziyi rakonoiza. Jiaimie muzeyi tikonoiza. Jiaimie jizaiño yerinoiza. Jiaimie nomena taigaiza. Jiaimie zirikoji duiñoiza. Jiaimie jifikogi tikonoiza. Jiaimie juiyiji bekoiza. Jiaimie jimeji kunuiza. Jiaimie juzie jaaiza. Jiañaiño yunuka juiyie fetuano uiza. Jiaima jibina tañoiza, ie ifogí tikonoiza. Jiaima diona yiziyayegoi tikonoiza. Jiaimie jaienijoiza. Eimie giroye jinui oye noiraji uifiza. Jiaima jirokamo eniji faiza, uizokoño faiza ». Ua akie izoi nana, kai kome urue yote akie riaraimo yinoaza, ua nana komemo eruaide, iemona jino baa kai yidino, kai mozioidino. Akie izoi yote kai Moo Buinaima, jitodimie ana yogaza, fea joriañedeza. Dimonadena baie izoi ite

kome kai uiñoyena, feeitañeyena kai rafue : Oo aama, iemo oo jitorediona, iemo oo aama jito oo enaize, ua ie anamona komuide jai oo aama, dane ie anamona komuide dane jai oo aama, oo fioidañenia, ua akie izoi nana. Ie jira yetarafue yooia baie izoi yoga : Naidi uzuma itemo baiñe uzuma ite, iibai muido uzuma jiañ ite. Naidi izo ite, baiñe izo ite, iibai muido izo jiañ ite. Naidi biyamo itemo, baiñe biyama ite, iibai muido biyama jiañ ite. Jiañedi oo uzuma baie oo aamanaza, iena jiañ eiñoiño kue ofaiño raiyano temaiza, jiradoiza, oo uzuño fea oo ofaiño mameañaza, ie yote kai uzutie raiya: “Zida abimo baitaiza”. Ua nana akie izoi, biie rafuenaza, ua raize duijidenya yetarafue, kai uzutie ie jira raite: “Baibaie zomarakino”. Jaigabi fñuana raite: “Maijirakino”. Jiañe jira, jiañe rua. Yetara uai kai Moo binie jafaikitiñie uaina, ie muidona kai Moo uruiaidikaiza, kai yetarafuena, iena baie fea rafue raiya. Akiemona jai ari dane yetara urukidikai. Akie izoideza, kaimaki, raize itikaiza (figo kai iiri), raize mameyeza (ñue mamenori), nana kaieza. Kai Moo Buinaima ñaiaikino dane yoitikai. Akie izoi yetarafue kaimo iga, ie baiñe raite: “Akie izoideza, buudi uzuma joreñoña ñañede, buudi moo joreñoña ñañede, buudi eei joreñoña ñañede, buudi hi joreñoña ñañede, buudi miriño joreñoña ñañede, buudi uzuño joreñoña ñañede, buudi jiza joreñoña ñañedeza, buude enaize / enaizeño joreñoña ñañedeza, buudi jifai / jifaiño joreñoña ñañede, buudi ooima joreñoña ñañede, naidi ofaiño miriñoña mamiaideza ie joreñoña buudi ñañede, kai Moo binie komuitatiñie buudi ebena yikoñedeza, aabene ite kai eei mameki fea jifanodoñegaza, rakuiyauuaidena “no jurar su santo nombre envano”, fea ua kai Moo mameki jifanodua kome faaja izoide, iee muidona kome mameki ebena yinoñena ieze ñañena”. Akieze ñaia fakai naimie jafaiki kaimo igaza, rakuiya uuaimona “alma”, akie jira kome fajano fañega, fatañega, uaido ikiñega, mei ua naimie jafaikiza, naimiemo jaka raire yoteza, iena uuiñoñedikaiza jiaimana kai ñaia buu kakaiñede raitikai. Akie izoideza, konima kai iziruiyi (kai dueruiyi), nana akie izoideza buu kai yoñedeza, ie jira biuaido mai kai iniyi, jaia kai yiiyeza. Dane Moo Buinaima biuui yote: “Akie izoideza, oo imaki faaia, oo imaki faidoia, uaitaia, oo jaieniñoia, oo etaia, oo fikodoia, oo eeoia, oo ikia, oo onoyi tañoia, oo izido betaia, iemona nana ziirue eima, binieemo ñbana oñeitiñoia, akie izoideza nana binieemo oo akie izoi fñodionona iziruitioza, oo güiga iena itioza, oo jiroka iena jirokaitioza, oo duga iena dutaitioza, oo mega iena metaitioza, dama ñbana oñeitiñoia, dama ñba oo ooia jai baie kai Moo uaitaitioza, ie muidona kai Moo aa iteza, imiemo yooitiñoia, naimie ieza nana, naimie uiñoieya, namanaza naimie jitaiya

izoi ie oyeza, ie fioidaitakania ie fioidaitaite, ie izi kakataiakania izi kakataiteza, ie duere
 fñoiakania duere ie fñoiteza, ie fñritakania jai ie fñfñritakaiteza uaitajeritakania
 uaiuaitajerikaiteza, akie izoide ua kai Moo biruño jafaikimie yogakino kai ñnoñenia akie
 koni zitaitikaiza, ari ua mare uiekona kai kazikoyeza, ñnoitikaiza”. Ua nagakino yote akie
 izoi baiba. Akie izoideza kai uruai, koniruezi, eimia rñoniai, eiromaii ua nagamiai,
 bikino uifnotino eimiai jiai fmaiteza, kai uiekomo komuidizaii marekinodo ari
 kominitariyeza, akie izoideza. Dane Moo Buinaima yoga jiaui yoitikaiza: “Kai Moomo aa
 erokaida yoitimoiza, bizido erokaiñeitiomoiza foo ba komekido yoitimoiza”. Dane ie
 baife raite: “Dama binimo iba oo oia, jai kai Moomo oo yoyikino ifede, yotona raite, jai
 dama iba oo oga, bue kuemo yotio, raiyama naie kome jai kai Moo jafaiki yifñiega, ie jai
 binie jafaiki namataye, iemona jai yua izoi ifeiteza, uaitajeriyakinodo ite”, raite Moo
 Buinaima. Mei biiuai raiakade, biiuaido inifñeitiemie jinofefite, kai Moo ie bainofedeza, jaka
 uifñonide. Dane Moo Buinaima iiraiui yoitikai. Akie izoideza biiuaimo eruaikaida naga raa
 fñoitomoiza, uiuikaitimoiza, buudi ua uzuma diga ikifñedeza, daje izoi Moo, ei, enaize,
 aama, jito, iyaraizaii, jifai, jifaiño, iemona ua nana, daa ibarafue zuuia, rífema diga
 kaifuerinaia, iemona nana akie izoi, kaifuerinaia biedo fñoitimoiza ie ua jibie ñona
 motodo ñaiteza, fñoyikinona. Jai fñokakino dane abido yinoñeitiomoiza, oo uruai, oo aai,
 nana oo yoyeza, fea ebe rñoizaza, ebe uruiaiza, jai yinoñeitioma, batnoma jai aruizikoño
 iyaza, iemo nia jai aruizinaitoza”. Dane raite: “Bie ñona fañeitiomoiza, bie jibina
 fañeitiomoiza, bie jibina fañeitiomoiza riitimoiza, bie izoi kai ñnoyeza, naiyi omoi
 jaijaikaia, akie izoi omoi nabai fuemo ñaia kue ñaieya iena kioñeitiomoiza, bikino omoi
 fñmaia nia amoomo ñaiteza. Biko joreño naiyi ana eeina riteza, bie uai omoi ñaidoia,
 omoimo ñaiteza, bie jafaiki omoimo ñeie izoi majjitiomoiza, bie ua kue miia izoi, bie
 jibie ua kue dua izoi omoi fñmaia omoi diga yerana meitikue, jibiena duitkuena
 kioñeitiomoi, ie muidona dane irai kue uiekomo erokaitimoiza, naiyi dane biitikueza, nia
 dane konimana kioitikaiza”, raite. Dino tainokaide akidinomona jai jibibiri, jibina, ñona
 Moo Buinaima riadoga, ie muidona fñmaika, uaitañega, bie jibina / ñona bakaitikue,
 raitimie dama abi bakaitaiteza, akie izoideza, ie kaimo izaibiteza akieze iitikaiza. Ie jira Moo
 Buinaima jino jaide raiyano yofega, daa foo bite raiyano yua. Akie izoi ua kai uzutie
 nimaia uaido ñaitino yote. Dauañedeza zuitakana eo aiyue kominitariyano ite, jaka nia ua
 fuiñede, ie muidona fea dauarie yotikai abi jibuiya kai uifñoyena, konima kai uifñoyena,

jiaizie imie kai iziruiyena, riama kai uinoyena, rakuiya kai uinoyena, iemona nana nagamie
 ua abina kai uinoyena, komeki kai fakaja kai uinoyena, akie izoi ua nagakino. Kai fue
 mitaja kai uinoyena, onoyi jiamamo kai juainoñeyena, kai Moo yogakinodo kai iniyena.
 Akikinodo jae kai uzutiai jaijakaizide, imaki jaa jebuiokaide, ieze jaa ua Bokire idumo jai
 ua jaigabido bokijeide. Kai uzutie yua fea ua jaigabi naidoide raiya Moo Buinaima yua izoi,
 fea aki ua juñoji ie yiai ua maraja (jaiyaki), iemo mazacado yunua bokuano, kai uzutiai aki
 kima anamo kiriyiki niga ibi ie jiena, ie koni nai jaigabimo bimo yunuka waitajano
 juyekurido buinuanonagamiia ite jirua meinomo daa mazacodo fuebiya, ie yikonota
 kiriyikimo ieka, naga iyaima riiyena. Juzitofaina jiai iga. Nagazie eimie raiyadi imaki
 abaiki akiezerie yinua. Ua baie izoidino :kaimera buinaizai, fnora buinaizai, uzezi
 buinaizai, jiaizi buinaizai, akieze yinoga kai Moo Buinaima ana biyamonaa. Ua ba
catolicismo dinena bituui mona *Cristo* mamekido *cristiano* raiya izoiduui. Akidinomo
 dauaina naga iyaima iga riadoga. Uinotino yua, Nogüeni biuaido fekaka baize raite:
 “Fiokini oo bie fiokitofe ari baitadoitioza, oo fioki rabirai riadua uai ari baitadoitioza,
 biuaido oo fiaki buinaizai uruki ari gabeiteza fioki buinaizai urukina”. Fea akie izoi nano
 kai yogaza, rakuiya eo dukaiyua jira racuiya eimemo jikanoitino naiedo initeza nana.
 Akie izoi ua daauiyaina ari riadoga, ieta konima kai uaitaja eo meiredeza biemona mai
 uinonedizai kai yofueyi, iemona ua nana uinoiakadizai. Naga nairai eimie, iyaima,
 komuiyano, uiuikaiyikino: Kai Moo binie yiyakino yua izoi kai nairai mozioiya uaina
 uiuikaitikai, ie muidono jaka dobañonide, akie izoi kaimo igaza. Bie naikinua fea uaido kai
 yogaza iemo rabemo kueano yoitikaiza. Kai Moo Buinaima baieze yote: “Aa iteza kai
 Moo”. Akiuai baieze raite ie uinonina baie izoi yoga : « Kai Moo jitoma biya dibejimo
 raikana eruaide ie urukimo, kai uaimona Jiyameni, uruki menioikana afae eruaikana raide
 jira. Muidomeni ie jitodimie, damie jitona abi mamia, iena kai Muidomeni raitikai, jitoma
 uaiya (zofikaiya) dibaji (dibene), afai muidomo raikana eruaide, ie uruki merioide, akie jira
 Muidomeni, akieze kai Murui yinote. Kai eei, kai ekido (abido) jaka ite bainina, akie erodo
 ite jaka bainina, kai Moo jafaiki daajedo jaka makade, biko erodo betarioide (jainorioide),
 fea bia ua jafaikina (jagiyina) ite, ie fea kai aifi (jairifo), raitikai, ie muidona ebe izoi
 ñañena, ebena uakaiñena, akie maiyodo fea ua uikaida makade fea ua taino joriai diga uai
 fakadino ua ua kai ramo faitimo. Akie mare jafaiki ana nikua ananekona (*maloca*). Akie
 yiyie uai Moo Buinaima kaimo ana izaibiga. Kai nairai yitimie baize ite : iyaima / eimie,

Jata Yoema fakai imie; nımairama, jito fakaidino. Iemona dane naimie riadogano / yofuegano, rakuiya uaimona “discipulo”. Etama / nımairani etakire komuide. Nımairani Moo uruki yıtino, baie izoi naikino jae kai yoga nai Moo uai ana atidimie, daamie jitona abi mamiano ana biya, jai ana biyamona ie yainama mamiaide, akieze kai maijyikino atide, ie fakaidino jai kaimo komuide yainama, akie yainama diga jai maijide ei namaki. Ie jira iyaima eo fimairite, raize nairai yiyena, Moo yoga uai feñote iyaima, ie iyaima yoga dane uai feñote yainama dane yainamamona jai ua nairaño, nairai yiyena, iemona nana kai biruño (bini, bigini) yiyi uai, iemona jai nana nairai yainama ite, ua nagazai, jenidnuaimona ua eiromai, nana yainamaredeza. Akidimona jai ua konima iziruiya (dueruiya) ite, dajena iniyikino, dajena güiyikino, maijyikimo no, nabairiyakino iemona nana. Akie izoi ua komekido iziruyakino baiga. Bie kai Moo yogakino eremo naga raa ite, ie eromo nagakino komuide, rira kai yidino izoi, ari rikana uiga, kaimo riire eruaide riñega, marena inoye dieze rikano uiga. Mare rira kai raiya, Moo joonegauaimo eruaikaida iyena, maijyena, baiba kai monaidoyena. Monaidoyena raiya uai, nagakino yinote, ie dane yiai zuitaitikai daauai, naga uai akie izoide, Monaidoyena, baieze raiakade, jaima fañeitioza, fikodoñeitioza, fadoriñeitioza, uaitajeriñeitioza, jaima fañeitioza, jaima jaienijofñeitioza, jaima raamo fañeitioza, enenoruiñeitioza, uaitajeriñeitioza, oo urue uikomo yogüeroñeitioza (yogüeroñeitioza), jaima jizi uruezitajano naidanekaiñeitioza, jifueriñeitioza, iemona nana akie izoi baiba, jifaiyano ebena jaima uakañeitioza, ebena jaima fatañeitioza. Ua akie izoide naga uai, ie ua zuitaño fea kai yokana, kuekana kai uigaza komeki raize kai fakayena. Bikinodo nana kai iniaidi nia naga komekimo iziruyakinona ñaiteza, biuaido kai bie binie jazaki yidikai, ie muidona *gobiermono* jikadikai, biuui, iemona naga jiazie yidino, iemo daje izoi binie kai yiyena.